

中國易學文獻集成續編

8

本書編委會◎編

全七十冊

國家圖書館出版社

中國易學文獻集成續編

本書編委會◎編



國家圖書館出版社

（明）郝敬撰

問易補七卷（卷四——七）

明刻《山草堂集》本

第八冊目錄

問易補七卷(卷四—七) (明) 郝敬撰 明刻《山草堂集》本

卷四 三

卷五 四一

卷六 八九

卷七 一三七

周易像象述五卷(卷一—二) (明) 吳桂森撰 清鈔本


叙 二〇五

題辭 二二五

卷一 二五一

卷二 四三七

山卓堂集
周易補卷四



問易補卷之四

京山郝敬學 男洪範輯

門人田必成彭大翮校

夬三三三

乾下
兌上

問夬初九象前趾何也曰在夬之時初九重剛有先四陽往決之象凡卦自上反下則初前來自下往上則初前往故有此象然以下犯上往必不勝耳問誰似曰似馬謖街亭輕進所以敗也問九二誰似曰似陳平之于諸呂狄仁傑之

于諸武悅而和、健而決、故能安漢唐也。問九三
誰似曰：似袁紹、崔遐、昌之誅宦官。宦官雖除而
漢唐亡矣。故凶。問九四誰似曰：似宋義救趙不
進，是聽不明也。問九五誰似曰：似周成王天下
已定，殷頑未殄，是中未光也。問上六誰似曰：似
紂子武庚死而殷始亡，周道大光矣。

萃三三三

坤下
兌上

問萃初六有孚不終，何也？曰：處萃之時，人悅而
衆初與四正應，而初在坤下，羣衆之後，上有二

陽莫適爲主四雖正應而下近三三无應與四
比故初有不終孚之象乃亂乃萃羣衆囂雜之
象問九四大吉无咎象云位不當何也曰解詳
矣大抵易本憂患萃體順悅而四不中正故雖
大吉有補過之辭焉又萃所以不得爲顯比者
以九四一爻耳餘詳解問誰似曰似陳氏之得
齊民在陳氏則爲大吉而于齊君爲位不當焉
得无補過之辭

升三三

巽下
坤上

問升之彖曰柔以時升夫柔何以能升也曰解
詳矣巽順者升之善物士未有不巽順而能獲
上者或謂易道用剛正與此戾問南征吉何也
曰卦體自巽適坤皆南離之鄉爻取象殷周之
事周升自南國也問解云升以次進初因二升
何以知之曰以大象積小高大知之然細玩初
與四雖敵應而初爲木四爲地巽初如木之根
四坤土下生則初由四升於象亦合况爻旣以
四爲文王則初爲渭濱之老矣問九二爻辭與

萃六二相似何也。曰：卦自萃來，孚乃利用禴，是萃尚未孚也。象云有喜，是萃尚有憂也。禴，薄祭也。以實不以文，猶達孝之意。六五柔順居尊，九二剛中下應，如文王蒙難而閔散效忠，武王須臾而太公鷹揚，孚乃用禴有喜也。問九三升虛邑何也。曰：亦二卦往來之象也。三居巽終，木出地上，進與坤接，故爲升虛邑。坤象也。巽終爲躁，以剛居剛，上遇坤順，无復進退不果之疑。詩云：思皇多士，生此王國。免且之武夫，棫樸之髦士。

康此岐山，作邑于豐，新命舊邦，化家爲國，進侯爲王，其象如此。餘詳解問六四爲文王，爻辭甚明。然文王未王，如解所云，則五位无君乎？曰：玩六五，卽武王也。柔居剛而得中，武王須暇五年，遵養時晦，應天順人，非純用剛也。以正得吉，八百推戴而後爲天子，由階升也。故曰：大得志，志不在富天下而已。問上六冥升，曰：解詳矣。易道變通，升極必反，過高顛眩，故爲冥升。商紂是也。詩云：維天之命，於穆不已。於乎不顯，文王之德。

之純不息之貞。文王是也。故曰：易者，變也。變而通之，存乎其人。

困三三

坎下
兌上

問困之彖象有言不信，尚口乃窮，何也？曰：兌爲口，爲悅，以口爲悅，小人諂佞之象。小人在困求悅，惟有巧言。困非言可免也。問初六爲株木幽谷，何也？曰：初无位，愚賤小人居下流，而訕上狎大人者也。如萑蒲嘯聚市井，惡少橫俠无賴之輩，欲困君子而自入幽谷，小人害人先自行險。

者也。問九二困于酒食，何也？曰：坎中滿，有飲食之象。九二陽剛中正，爲初六六三所揜，小人貪饕害君子，所謂鳶鵂之腐鼠，鷄鶩之餘粱耳。君子所用享祀者，簞食瓢飲，茹草飯糗，美于膏粱，豐于五鼎，所謂亨貞不失其所，不言而信者也。問朱紱方來，何也？曰：九五下應也。二不往而五下來，何也？曰：卦體澤在上，水下流，有來象。卦位本自兌，適坎由西而北，反升而來，將受爲井，故爻象來下，四下應初，亦來象也。問六三之象，其

困尤甚何也曰以陰居陽不中不正位本多凶
欲困九二而自迫于兩陽之間極其艱險小人
困君子无有不自困者管蔡困周公崇虎困文
王是也問九四來徐徐何也曰來初也問初爲
險陷九四以陽下之何也曰四不中正非純君
子也與二互爲離離爲戈兵有金象二坎主坎
爲輪有車象初雖小人而與四爲正應陰陽之
相爲也雖父莫知其子之惡夫不察其妻之妬
易无定體豈以陽剛盡君子而謂四不援初乎

或曰四來二也。然則象何以云志在下。又云有與也。在下爲與者。非初而誰乎。問九五與二敵應。不正而五曰受福。二曰有慶。何也。曰二五皆剛得中。處困。非柔脆者所能勝。惟剛耐困。二享五祭。誠意相通。同德同心。卦所以困而亨。貞恃二與五耳。若九四雖剛。碌碌困于人而已。問上六吉行。何也。曰易道尚變。困極末有不通者。陰窮末有不反者。陽受揜。末有終不出者。陰去則發覆而亨矣。爻云征吉者。陰征陽吉也。卦謂困

者陽困也。陰往則陽吉矣。上六窮陰自處臬兀之地。高而疾。僨如秦之斯高。漢之冀憲。魏晉之曹爽。楊駿。征則必凶。何吉之有。餘詳解。

井三三

巽下
次上

問井羸其瓶。與大壯羸其角之羸同否。曰。同。古羸與累通繫也。謂牽絆不得出也。舊解困敗。今從累訓爲長。問初六井泥不食。時舍也。當如顏子之陋。巷曾點之舞雩乎。曰。未也。初陰柔居下。曰泥。曰舊。其材具可知。无用而人棄之。沈淪固